



UNIVERSITÄTS-
BIBLIOTHEK
PADERBORN

Universitätsbibliothek Paderborn

Natales Sanctorvm Belgii, & eorundem Chronica Recapitulatio

Molanus, Johannes

Dvaci, 1616

Vigesima quinta Iulij.

urn:nbn:de:hbz:466:1-9477

fratrem, maritum habuit mater Matildis, Beatrix, eiusdem cum filia sua indolis. De eis inter Italiae historicos nullus copiosus & exactius differuit quam Ioannes Baptista Pigna in historia principum Atestinorum. Iacobus autem Philippus in opere de claris mulieribus scribit Benedictinos in agro Mantuano singulis septimanis processionaliter ad eius tumulum accedere, & in memoriam beneficiorum eximiorum exsequias venerabiliter celebrare. Cap. 145.

Vigesima quinta Iulij.

1^o. De beato Ioanne Agno, episc. Leodiēsi.
Ex chronicis Leodiēn. quibusdam aliunde additis.

HVy, obitus beati Ioannis, Traiectensis ecclesiae episcopi. Is re & cognomine Agnus, beati Amandi praedecessor, haereditatem suam reliquit oratorio sanctorum martyrum Cosmae & Damiani, quod est in castro Hoyensi. Quo in loco etiam reliquias eius leuauit Ioannes, secundus eius nominis Leodiensis episcopus, anno millesimo ducentesimo trigesimo, easque recondidit in praedictorum martyrum altari.

Natalem quarundam ecclesiarum Martyrologia ponunt octauo Calendas Augusti. Qui tamen in Hoyensi castro non celebratur. Traiectenses autem omnium episcoporum suorum memoriam faciunt, die sexta Februarij.

Notat etiam Libertus Houthem, poma quae vulgo sancti Ioannis dicuntur, ab hoc episcopo nomen habere. Quod se accepisse ex antiquissimo quodam manu scripto codice mihi per literas significauit.

Die vigesima sexta Iulij.

1^o. De sancto Iorio episcopo.

Ex ijs quae contulit Iacobus Frenchus, Bethuniensis, sacrae Theologiae Baccalaureus.

BEthuniae, natalis beati IORII peregrini, qui montis Sina episcopatum tenuit. Cuius festum in choro Canonice sancti Barptolomaei